

Менам керкаын регистрируйтчӧмӧн олӧ тӧдсаӧй. Ӧнӧ ме ог нин кӧсйы, медым сӧйӧ олӧс ме ордын, но, кыдз шуласны, сирасис да некыдз оз окотит выпишитчыны ни мунны овны мӧдлаӧ.

Мый вӧчны меным?

Сетам вочакыв.

Медводз колӧ тшӧктыны тӧдсаыдлы, медым сӧйӧ ас окота сертиыс выпишитчас да мунас тӧян керкаысь. Оз кӧ кӧсйысь, тӧ асьныд верманныд шыӧдчыны судӧ, медым оланпас вылӧ подуласьӧмӧн нин мынтӧдчыны тӧдсасьыныд.

Судӧ колана документъяс дасьтӧм могысь бурджык шыӧдчывны отсӧгла юрист дорӧ. Сьӧмсӧ, кодӧс мынтанныд сылы таысь, верманныд суд пырыс жӧ перйыны тӧдсаыдлысь.

Но та могысь юристыскӧд колӧ кырымавны сылӧн услугаысь мынтысьӧм кузя кабала.

Кор воас кад збыльмӧдны судлысь помшуӧмсӧ, а тӧдсаныд оз и лӧсьӧдчы муннысӧ, верманныд шыӧдчыны отсӧгла судприставъяс дорӧ, кодъяс мырдӧн нин вӧтласны сӧйӧс тӧян керкаысь.

Вячеслав Попов.